

浙江錢錫霖審定

警察犬之研究

日本山本正一原著
中國警犬學術研究所繙譯

河南楊顏正校訂
直隸張星譽

序一

嘉興錢錫霖先生博學宏識富有經濟以其緒餘者研究警犬之學俾犬亦有裨於治術曰今之人也恒不犬之若也人因物欲之誘有偽誣詐騙以移其真犬則以其嗅覺語令之特異非其人不能知其事非其事不能徵其功偽誣詐騙無自而生也在西各邦犬於警察之偵察搜捕犯罪等職務其功績往往駕於警吏之上爲百姓所依重國家所獎譽歐化東漸其有利於國家治術者不能再存門戶閉塞之見東瀛則之而有利吾國固不可不亟誘掖而採用之也因譯日人山本氏所著警犬之書以餉國之有心於是術者聞者異之余甚惑焉然據士庶所傳記事所載錢君所養之犬有所謂羅夫波利斯喀者確著偉績於都市云竊嘗稽之國史矣昔高辛氏募有能得犬戎吳將軍頭者妻以少女賜金千鎰邑萬家其狗槃瓠聞令後遂齧人頭造闕下其臣診之果吳將軍頭也乃如令賜入南山生子一十二人詩曰載儉歇驕說文歇短喙狗也公羊傳靈公食趙盾公有用狗謂之獒呼而屬之獒亦蹉階從提彌明逆而跋之絕領盾顧曰君之獒不若臣獒也三國志孫峻謀誅諸葛恪恪將見之出門犬噉其衣心疑而還復起犬又噉之恪令逐犬升車

果及禍陸機有犬名黃耳以筒盛書繫其頸令尋跑達家得答書馳還是犬不僅有守禦之能併有慧性之異載籍異史其事甚夥呂氏春秋載齊有善相狗者其鄰假以買取鼠之狗期年而得曰是良狗也其鄰畜之數年不能取鼠以告相者相者曰此志在齧麋豕鹿不在鼠欲其取鼠也則握之其鄰握其後是狗乃取鼠顧第弗深考其相術間缺後亦未聞有傳其能者蓋世人嘗存鄙視異類之心於其守禦之外特殊之蹟率作異聞奇說以新耳目未嘗知考其嗅覺可補益人之智慧有佐治之能夫天地之生物衆矣號物之數謂之萬人處一焉人爲萬物之靈物各賦有能生之異當有生之初豈有異哉兒童以教育浸染之力致能成人理之常也秉血氣之物可施以教育浸染之道亦理之常也特人昧於教育之道耳不觀鄉曲與都市之師徒乎鄉曲之塾其徒有年逾知命尙不及都市學童之思想者非盡賦質智愚之不齊也乃教育之道異也鸚鵡能言非生而能警犬之功蓋亦有道存焉往古人事簡單一人有智萬姓寧息無待各種之補助及後社會日益複雜競爭生存之道日烈覺人之智力不足禦外侮日所見聞不足滿欲望於是思範天地之物盡供人之驅遣明汽電之學而天下之力無敵焉製機器之道而天下之工無

若焉舉凡可助競爭生存之事無不思所以發達而精密之警犬者補充國家法治之欲望者也本其嗅覺之能制人於影跡之外警察千日之力不及其旦夕之功律師所不能辦法官所不能移奸宄聞而喪膽善良得而減憂謂非國家法治之絕妙補助哉奚可輕爲異類而弗察之世人昧於斯道徒驚異聞湮滅其功績者屢矣方今世界大通善良之教化與惡劣之傳染并進不法之徒規避法治湮滅証據之術日多警犬爲補助國家行政彌治奸宄最良之法文明各國俱著爲律令與指紋法同爲法官警察所必研究之學國家可不亟採用而擴張之乎余始聞是說而惑之乃讀其書少悉其道恐世人之如吾始之惑者尙不止一二人也因略述其梗概如此

河南魏祖旭序於北京時民國七年一月也



序二

譯日本警察犬之研究成書發刊自序

錫霖創警犬學術研究所於北京三年矣購歐洲之警犬譯德法丹比英美各國之警犬教科書藉以資實驗公諸當世以備留心保衛人民者之研究迺我中國科學不彰且薄於理想凡對於學術中實地試驗之設施竟爲我國人之所無此實不能爲賢者諱亦我國人所自知推原其根本實由於專制之政治爲年太遠人之根性上與國家隔絕竟無法強爲聯合舉凡個人之謀利事業尙肯遵循成法稍事研求如醫卜星相書畫琴棋之類是也至於製造什物或推行泰西先進諸國之學理如紡紗打米磨麵電報輪船鐵路諸門則僅取其已成之器謀一時之利而已至其小者或剽竊一二假稱自己發明請求專利以自欺欺人苟有人焉與之研求實則並所自稱發明之學理亦未嘗完全明白焉其關於與民生計謀治安進化之利益盡食於人者之責任如海陸軍將士法律學人員警察官吏等亦莫不推自謀衣食車馬宮室妻妾之奉之原理採各國已成書藉之空言亦本於自欺欺人之根性以行之耳錫霖亦中國人也其根性亦不與常人殊其初試

警犬之時不過好奇之心理作用亦未嘗注重於輔助警察保衛民生也迺購來之犬及書朝夕玩弄耳習目染試諸實事又確有根砥以錫霖自欺欺人之作用對於警犬竟無所施其欺然後於清夜獨坐天良自醒之時知天下之真學問非實試實行之不可得也比譯玩各國之警犬教科書完成更信凡關於學理之事非羣策羣力不足以資進化也在中國人目前之對於警犬一則信仰太過大有視犬爲萬能之上帝無事不可依賴其力焉又一等則視爲絕無不過如馬戲之玩犬作戲劇而已此則所謂過猶不及也然治病者必求其藥必得三年之艾而後可治七年之疾焉今譯得日本山本正一著警察犬之研究一書實目前對於我國人之於警犬三年之艾也其書縷切詳明細密不遺無飾詞無欺語根源清正研究入微好學之士實心任事之警察官吏手此一篇對於警犬一門可一覽無餘矣至將來求中國犬之推行暨實行教練警犬以爲用則有譯成泰西諸國之教科書在焉此特專爲研究警犬學術之一助耳嘉禾錢錫霖序

警察犬之研究

山本正一著

第一章 總論

近世之文明始于千七百八十九年巴斯求之破壞終于千八百十五年華德堡之戰爭所謂法蘭西革命之役實開其端也予故曰十九世紀爲革命之時代今世紀文明之特色在於民權思想之發達所謂民權思想者即個人皆主張自由與權利之平等是特中世時代一般人民毫無學術除迷信服從之外一無所知而三種門閥因之橫行於世所謂三種門閥者學者據學術爲己有愚天下之民藉此以逞其威力一也僧侶獨攬大權恣其福利二也帝王擁世襲之權力視人民如土芥三也若夫公學術於天下奪僧侶之特權打破帝王世襲之權利以分配民間未始非歐洲文明近史上所大書特書革命之功也然則法蘭西革命已搖動歐洲之天地而反抗之者更有第二第三之革命當時歐羅巴全洲直若除革命以外無所事事矣

法蘭西之革命實爲近世文明之母在學術上之大有進步者莫如自然科學卽如天文學因分光器之發明而天體之狀態遂介紹於世又物理學耶涅爾扒不滅之原則成立

種犯人搜查術自有是術而犯人無所施其伎倆雖全世界之犯人亦可一望而知所謂指紋法是今由此指紋法更發見極確實有效之搜查術且能見諸實行者其爲動物乎驟言之雖云神秘然利用其本能足以應用於警察事務即今日歐美各國所盛行之警察犬制度是也獨是註目於犬之本能力且應用於警察事務者詎非件文明進步而爲人智之一大發見乎

警察犬之應用由於十九世紀之末葉白耳義國幾燕多市之警察長官衣番外斯滅魯氏用犬以搜查刑事犯人始因得有絕大之效果而警察犬制遂開其端一百數十年前該國於先多瑪羅市又組織警察犬以應用然不幸至中途即行廢止近年以來又有復活之象據外斯滅魯氏云伊所訓練一頭之犬可以當巡警四人是以白耳義開始於前而法蘭西德意志英吉利亞美利加等繼之於後今則日本亦漸次採用曾在朝鮮所訓練成熟之犬業經服務茲則該國警視廳且認爲有有效果之事刻正從事訓練云

進攷歐美各國運用警察犬者甚多即如白耳義國布拉茲塞魯市從古稱爲自由之都市各國凶漢均潛伏于茲以爲適當之地且往往攜帶凶器傷害警官是以該市所用之

氣之動力的理論起凡關於物質內部之組成又大啓新知總之社會物質之文明且伴新世案而發見詎不更可驚耶

十九世紀因物質的進步遂令數多之自然力得歸於人類之下而富者遂亦日漸增加自有交通利器而地球之距離亦因之縮短於千八百七年試蒸汽船於哈多孫河上嗣於千八百三十八年使用於大西洋邇來幾經改良而海洋交通遂有今日之便利至於鐵道則於千八百二十九年因喬其施蒂芬森之研究敷設於利巴浦及滿塞斯他之間次則交通一變而有電信於千八百三十七年始應用於北美合衆國邇來極力改良遂有今日之發達而電氣之應用乃較前尤著至電燈之利用實伴人智而同見一大進步然則因交通之便利而印度貨物可不至蓄積英國且富源增進而分配亦得以平均焉然而協之平均特就大數觀察而言若就今日之狀況以觀之則文明結果一方面生大富豪一方面多小貧民之二者宛如十九世紀之文明所產出之社會雙生兒然因之多數人民莫不得意於政治上而失意於社會上此亦文明進步上所難免之一現象也因以上文明思潮所支配吾之警察事務上亦不免有幾多變遷革命以後警務又增一

警察犬亦多取獬豸者以便警查逮捕犯人時得藉以資補助法蘭西賽奴河上每年溺死土人甚衆多賴犬以救護之是警察犬用之水上勤務已卓有成效後因水上而漸次及于陸地如巴里市之防禦兇犯亦多令猛犬爲之德意志專用警察犬以任犯人檢舉之事某都市得用犬以撲滅犯罪者甚多此外如美國之非拉帖魯非亞市除搜查犯罪外且能發見夜警及醉人甚至能任火災豫報及搜索迷兒等事務總之警察犬之任務可區別爲二一爲警戒任務次爲搜查任務斯二任務亦即保安的警戒及刑事的搜查是也

第二章 警察犬解說

一 警察犬之種類

警察犬制度在今日最爲發達而占各國之首位者厥惟德意志該國操用最早者實爲布郎希滋庫市其後乃漸次及于全國甚至大小六百餘之都市悉使役之其成績均極良好而裁判所亦置有警察犬以爲最有力之供證故該國就實地以研究之其各種書藉已全出版其訓練方法足以爲模範而爲各國所採用至其運用警察犬之發達亦規

章俱在班班可考然則德意志爲警察犬最進步之國既從事研究是必須就其實際而一調查之也

現今德意志所教練之犬足以任警察事務者其種類如左

(一)



德意志番羊犬狼種


(一) 德意志番羊犬 Der deutsche Schäferhund

(二) 耶阿爺魯帖利亞 Der Airedalries

(三) 多茲別魯瑞賓邪魯 Der Oofermannpenschel


(四) 落茲脫發衣拉 Der Reitmeller

(二)




愛爾滴衣太耳雅即耶阿爹帖利

(三)



杜白孟品池即多茄別魯瑞賓邪魯

(四)



犬 血 國 英

按以上四種而研究其種屬之起源及其性質當以德意志番羊犬 *Der deutsche Schäferhund*

爲純粹之德意志種緣是種自其祖先以至今日其血液並未嘗與異種相交合故一見體格而原始種屬之體型依然具備其祖先爲德意志之土著故足爲牧犬之人所役使自朝至夕以從事于牧場而任捉捕番羊之事務且其性質溫順能聽從主人之命其智能亦較他犬爲優故此種爲最適當之物云

且該犬不惟溫順忠實且身體極其強健而聽覺嗅覺之神經亦非常銳敏此其特色一被毛既長無論若何酷寒之時節及地方皆可使役此其特色二然則該犬備如斯之特長用爲警察犬最爲

適宜是以現今各國所用之警察犬多用此犬而此犬遂占其首位云

次爲落脫外刺 Der Reetmler 是亦爲純粹德意志種備原始種屬之體型未嘗與他犬之血液相交混與德意志番羊犬等考其起源係伴羅馬人軍隊侵入日耳曼後遂住定德意志若夫使役爲警察犬乃最近之事該犬從來孤立性成不與他犬爲伍是以一般世人亦均不知其價值一旦用之爲警察犬乃知其性質能感覺體質均屬適宜而其成績亦大是此犬與德意志番羊犬二種爲警察犬之最適當者

以上二種爲純粹之德意志種反之(寶別兒璊拚釵邇) Der Oofermannpenschel 及(哀邇爺魯帖利亞) Der Airedaleteria 二種則全爲與異種血液交混所生之雜種前者之起源爲德意志之剝皮家名(寶別兒璊) Doelertmann 其人者嘗取異種犬屬使之交尾其所生之犬因冠以該氏之名是犬性質頗敏捷體格亦強健嗅覺極銳敏毛短而有光澤且甚美麗因其長所以用之于街市等地最爲適當後者係去今五十年前自英吉利以移殖歐洲大陸者其始多使役於愛列河邇之狩獵嗣後各國於戰爭時多用之於戰鬪因之其性質頗勇敢敏捷忍耐而富於膽力且對於人極溫順而其嗅覺亦

極銳敏故近日多用以爲警察犬特此犬在昔日本用以狩獵故獵犬之本能性非常發達若用之於警察是不得不調教訓練以矯其性質也

以上所述不過純爲德意志之警察犬現今各國所使役者約計之其種類凡二十有五種今試舉其重要者如（布拉得方多）種能辨別血液之臭用以搜索死屍及追尋殺傷犯人之踪跡爲最適（牛方多蘭多）種有一種特技可以勝水上勤務故法國巴黎多使役于水上警察署（廓利）種有絕對服從使役人命令之美性故用之救護事務爲最適宜（帖利亞）種中（葉魯爺魯帖利亞）種性既勇敢且視覺嗅覺並皆銳敏用之於防禦攻擊及搜查犯罪極其相宜云

二警察犬之特性

警察犬特性之點實不遑枚舉但就具體的言之第一氣力旺盛而動作敏捷忍耐力強而能禁暴風雨且生來嗅覺極爲銳敏第二性質伶俐能了解使役者命令清白廉潔而不拘食物對於事務之注意力周到毫無張皇有沈著勇敢之氣遇敵不怯動作忠實操守貞固據理而論在第一第二之兩條件缺其一卽不適於警察犬然徵諸實際如此良

犬良不易得即備具第二條件之犬亦不多見也

然犬類中之强大者自然具有强健之體格及敏捷之活動力於此而加以適當之磨鍊以養成其忍耐力及各種能力亦甚易易但所貴警察犬者無論如何場所如何氣候及遇如何危險胥所能受尤以皮膚堅實被毛緻密爲最要然其皮膚及毛能于犬之幼時注意其食物及飼養法再加以教練得當自無難望其堅實但畸形者則萬不可用至於身體大小當以種屬相應爲要若與其種屬不相應體之大者遲鈍而乏能力體之小者發育甚不完全且該犬體質虛弱且神經過敏多不適于用故體之大小合乎中且完全發育而能力正當發達者爲適當若夫體格肥滿及胴之長者亦不甚相宜也

以上所述事項之外吾人所希望者尙多特今日犬之進行程度尙屬幼稚故吾人之希望終不能到滿足地位云

三警察犬之牝牡

從事警察之犬最適當者是否宜用牡犬 Hundrude 或牝犬 Hundin 現今各國尙在研究中而未嘗斷定其是非也但以吾人所見而論牡犬較牝犬對於一般事務執守心